

Broj: 03-04-470/2024
Sarajevo, 27.03.2024. godine

PARLAMENT FEDERACIJE BOSNE I HERCEGOVINE

Predstavnički dom

gosp. Salko Zildžić, poslanik
gosp. Ivan Miličević, sekretar ✓

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 27-03-2024			
Org. jed.	Broj	Priloga	Vrijednost
05/1	02-	97	24

Predmet: Odgovor na poslaničko pitanje

Poštovani,

U skladu sa odredbama člana 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u vezi sa članom 116. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07, 2/08, 26/20 i 13/24), u prilogu Vam dostavljam akt Federalnog ministarstva pravde, broj: 04-45-1010-1/24 od 22.03.2024. godine, koji sadrži odgovor na poslaničko pitanje, koje je postavio poslanik Salko Zildžić.

S poštovanjem



SEKRETAR VLADE

dr. sci. Edita Kalajdžić

Prilog: kao u tekstu

Broj: 04-45-1010-1/24
Sarajevo, 22.03.2024.godine

BOSNA I HERCEGOVINA
FEDERACIJA BOSNE I HERCEGOVINE
VLADA
Sarajevo

VLADA FEDERACIJE BOSNE I HERCEGOVINE
n/r Sekretara

PRIMLJENO:	26.03.2024	Broj priloga
Organizaciona jedinica	Klasifikaciona oznaka	Redni broj
03-04-	470	2024

PREDMET: Odgovor na zastupničko pitanje, zastupnika Salke Zildžića-dostavlja se

Veza Vaš akt, broj: 03-04-470/24 od 06.03.2024. godine

Postupajući po Vašem aktu, broj i datum navedeni u vezi, u prilogu kojeg je dostavljeno zastupničko pitanje, zastupnika u Predstavničkom domu Parlamenta Federacije BiH Salke Zildžića, dostavljamo Vam odgovor kako slijedi:

1. KAZNENO-POPRAVNI ZAVOD ZT ZENICA

U periodu koji je obuhvaćen zastupničkim pitanjem, tri (3) zatvorska policajca stražara su podnijeli zahtjev za prestanak radnog odnosa zbog odlaska u inostranstvo, a podatke o tome da li su nastavili da rade i gdje, zavod ne posjeduje.

U ovom zavodu trenutno je uposlano jedanaest (11) stručnih savjetnika-odgajatelja i dva stručna savjetnika –psihologa u Sektoru za poslove odgoja i tretmana osuđenih osoba. Obzirom da je broj osuđenih osoba promjenjiva kategorija, u prosjeku na jednog odgajatelja u ovom zavodu dolazi 45,45 osuđenih osoba.

Omjer koji je propisan Zakonom o izvršenju krivičnih sankcija u Federaciji Bosne i Hercegovine («Službene novine Federacije BiH», br. 44/98, 42/99, 12/09 i 42/11), je u pravilu 50 osuđenih osoba na jednog odgajatelja.

2. KAZNENO-POPRAVNI ZAVOD PT SARAJEVO

U periodu koji je obuhvaćen zastupničkim pitanjem, u ovom zavodu nije bilo pripadnika zatvorske policije –straže koji su raskinuli radni odnos. Zavod ima zaposlenog jednog odgajatelja i jednog psihologa. Broj osuđenih osoba se kreće cca 70-75.

3. KAZNENO-POPRAVNI ZAVOD PT TUZLA

U periodu koji je obuhvaćen zastupničkim pitanjem, u ovom zavodu za četiri (4) zatvorska policajca-stražara je prestao radni odnos i to dva (2) zbog ostvarivanja prava na penziju i dva sporazumnim raskidom radnog odnosa, bez informacije da li su otišli na rad u inostranstvo.

Zavod ima pet (5) odgajatelja i dva (2) psihologa. Broj osuđenih osoba se kreće cca 220 osuđenih osoba, s tim što ovaj zavod ima odjeljenje za osuđene osobe muškog spola i odjeljenje za osuđene osobe ženskog spola.

4. KAZNENO-POPRAVNI ZAVOD PT ORAŠJE

U periodu koji je obuhvaćen zastupničkim pitanjem, u ovom zavodu je za devet (9) zatvorskih policajaca-stražara prestao radni odnos i to za osam (8) zbog odlaska u penziju i jedan (1) zatvorski policajac-stražar je raskinuo radni odnos zbog odlaska na rad u inostranstvo na poslovima koji nisu poslovi službe osiguranja.

Zavod ima dva (2) odgajatelja i jednog (1) psihologa, a broj osuđenih osoba se kreće u prosjeku cca 80, s tim što zavod ima odjeljenje za izvršenje kazne maloljetničkog zatvora.

5. KAZNENO-POPRAVNI ZAVOD PT BIHAĆ

U periodu koji je obuhvaćen zastupničkim pitanjem, u ovom zavodu je jednom (1) pripadniku Sektora za poslove osiguranja prestao radni odnos sporazumnim raskidom, a prema podacima zavoda nije bilo pripadnika Sektora osiguranja koji su napustili službu zbog odlaska na rad u inostranstvo na istim poslovima.

Zavod ima zaposlena dva (2) odgajatelja i nema zaposlenog psihologa, a broj osuđenih osoba se kreće u prosjeku cca 80.

6. KAZNENO-POPRAVNI ZAVOD PT BUSOVAČA

U periodu koji je obuhvaćen zastupničkim pitanjem, u ovom zavodu je jedan (1) zatvorski policajac-stražar sporazumno raskinuo radni odnos i prema saznanjima zavoda otišao na rad u inostranstvo. Zavod ne raspolaže podacima koje poslove obavlja u inostranstvu. Četiri (4) zatvorska policajca stražara su prestala sa radom zbog odlaska u penziju.

U ovom zavodu su uposlena dva (2) odgajatelja, zavod trenutno nema uposlenog psihologa, a broj osuđenih osoba se kreće u prosjeku cca 100.

7. KAZNENO-POPRAVNI ZAVOD PT MOSTAR

U periodu koji je obuhvaćen zastupničkim pitanjem, u ovom zavodu su tri (3) zatvorska policajca-stražara sporazumno raskinla radni odnos, a zavod nema saznanja da li su otišli na rad u inostranstvo.

Zavod ima dva (2) odgajatelja i jednog (1) psihologa, a broj osuđenih osoba se kreće u prosjeku cca 100.

S poštovanjem,

Dostaviti:

1. Naslovu
2. Evidencija
3. Arhiva

